



Sak nr 31/2008

Møtedato: 18.6.08

Møtestad: Slidretun

Arkiv nr: S790

S 700, Rensenn –søknad om opplyft av tak på sel 1

Søknad om ombygging av selet er behandla i fjellstyresak 30/08. Søkjaren ynskjer i tillegg å løfte opp taket i eit lite parti på sel 1.

Fjellstyret avgjer søknaden etter uttale frå Statskog og Oppland fylkeskommune.

Stølen er i bruk etter fjellova og skal behandlast etter § 13 i stølsforskriftene der det heiter:

Etter søknad som fjellstyret avgjer, kan seterbrukaren setje opp hus for ei rasjonell utnytting av utvist seter. Fjellstyret skal taka stilling til kva slag og kor mange hus som trengst, deira storleik og standard eller anna, og det kan setje vilkår. Før fjellstyret gjer vedtak skal saka leggjast fram for Statskog til fråsegn.

Dersom fjellstyret vil krevje at hus som alt står, skal rivast, må saka føreleggast for regional kulturminneforvaltning til fråsegn før fjellstyret gjer vedtak. Det same gjeld ved endring eller utviding av hus på seter.

Statskog frårårar søknaden. Oppland fylkeskommune har ikkje merknader til søknaden.

VEDTAK

Fjellstyret finn at det er behov for det omsøkte bygg og godkjenner søknaden etter § 13 i stølsforskriftene.

Etter § 10 i fjellova tek fjellstyrevedtaket til å gjelde 4 veker etter at det er gjeve melding om vedtaket. Byggeløyvet er ikkje gyldig før kommunen har godkjent søknaden. Dersom bygginga ikkje er starta opp innan 3 år fell løyvet bort.

I følgje §28 i forvaltningsloven kan vedtaket klagast over. Eventuell klage skal sendast Vestre Slidre fjellstyre innan 3 veker frå mottak av dette vedtak.

Vedtaket er einstemmig.

Vestre Slidre fjellstyre den 18.6.08

Harald Ranum
sekretær

Utskrift: Statskog
Nils-Ivar Slåttsveen
Vestre Slidre kommune